

蘇東坡詩鈔

鳳



東坡先生詩鈔

清 周之麟 雪蒼

全選 柴升 錦川

日本 朝川 鼎五 鼎

全校 松井元輔 長民

七言古

竹枝歌 并序

竹枝歌本楚聲幽怨惻怛若有所深悲者豈亦往昔之所見有足怨者歟夫傷二妃而哀屈原思懷王而憐項羽此亦楚人之意相傳而然者且其山川風俗鄙野勤苦之態固已見於前人之作與子由之詩故特錄楚人疇昔之意為一篇九章以補

其所未道者

蒼梧山高，湘水深。中原北望，度千岑。帝子南遊，飄不返。唯有蒼蒼楓桂林，楓葉蕭蕭桂葉碧。萬里遠來，超莫及。乘龍上天去，無蹤草木無情空。寄泣水濱，擊鼓何喧闐。相將叩水求屈原，屈原死已今千載。滿船哀唱，似當年。海濱長鯨，徑千尺。食人為糧，安可入招。君不歸，海水深。海魚豈解哀忠直，吁嗟忠直死，無人可惜懷王。西入秦，秦關已閉，無歸日。章華不復見，車輪君王去時，簫鼓咽。父老送君車軸折，千里逃歸。逃故鄉，南公哀痛，彈長鈇。三戶亡秦，信不虛。一朝兵起，盡歡呼。當時項羽年最少。

提劍本是耕田夫，橫行天下竟何事。棄馬烏江，馬垂涕。項王已死，無故人。首入漢庭，身委地。富貴榮華豈足多。至今猶有塚，嗟峨故國，淒涼人事。改楚鄉，千古為悲歌。

上堵吟

堵陽縣有堵水，傍有白馬塞。孟達為新城守，登之而嘆曰：劉封申耽據金城千里，而更失之，遂為上堵吟。音韻哀切，有側入心。今水次尚歌之。堵水蓋入沔者也。

臺上有客吟，秋風悲聲蕭散。飄入空臺邊，遊女來竊聽。欲學聲同意，不同君悲。竟何事千里，金城兩穉子。白馬為塞，鳳為關。山川無人空，且聞我悲。亦何苦江水冬更深，編魚冷難捕。悠悠江上聽歌人，不知我意徒悲辛。

野鷹來

沔水南有層臺，號曰景升臺。蓋荊州牧劉表好鷹，嘗登此臺歌野鷹來曲。其

聲似孟達
上堵吟云

野鷹來萬山下，荒山無食鷹苦飢。飛來為爾繫綵絲，北
原有兔老且白，年年養子秋食菽。我欲擊之不可得，年
深兔老鷹力弱，野鷹來城中有臺高。崔巍臺中公子著
皮袖，東望萬里心悠悠。哉心悠悠哉，鷹何在？嗟爾公子歸無
勞，使鷹可呼亦凡曹。天陰月黑狐夜嗥。

城中劉本作
城東魏作鬼

襄陽樂

劉道產為襄陽太守，善於臨職，蠻服歸順，
百姓樂業，由此有襄陽樂歌，自道產始。

使君未來，襄陽愁提戈入市。裏氊裘自從氊裘南渡河，
襄陽無事多春遊。襄陽春遊樂，何許峴山之陽漢江浦。
使君朱旆來，翻翻人道使君似羊杜。道邊逢人問洛陽。

襄陽鑑類
作畏

四時詞

中原苦戰春田荒，北人聞道襄陽樂。目送征鴻應斷腸。

春雲陰陰雪欲落，東風吹冷驚羅幕。漸看遠水綠生漪。

未放小桃紅入萼，佳人瘦盡雪肌膚。眉歛春愁知為誰。

深院無人剪刀響，應將白紵作春衣。

垂柳陰陰日初永，蔗漿酪粉金盤冷。簾額低垂紫鷺忙。

蜜脾已滿黃蜂靜，高樓睡起翠眉顰。枕破斜紅未肯勻。

玉腕半揎雲碧袖，樓前知有斷腸人。

新愁舊恨眉生綠，粉汗餘香在蕪竹。象牀素手熨寒衣。

燂風燈動華屋，燒罷掩重局。香露空濛月滿庭。

肌膚王本劉
木陳本並作
膚肌

路劉本行霧

玉奴芥隱筆
記云真蹟乃
云玉如

拘今轉軸無人見
空聞裂帛聲
霜葉蕭蕭鳴
屋角黃昏斗
覺羅裳薄
夜風搖動鎮帷犀
酒醒夢回聞雪落
起來呵手畫雙鴉
醉臉輕勻襯眼霞
真態生香誰畫得
玉奴纖手嗅梅花

古纏頭曲

鵬絃鐵撥世無有
樂府舊工惟尚叟
一生喙硬眼無人
坐此困窮今白首
翠鬟女子年十七
指法已似呼韓婦
驚帆渡海風掣迴
滿面塵沙和淚垢
青衫不逢溢浦客
紅袖謾插曹綱手
爾來一見哀駘佗
便著臂鞴躬井臼
我慙貧病百不足
強對黃花飲白酒
轉關濩索動有神

雷輓空堂戰牕牖
四絃一抹擁袂立
再拜十分為我壽
世人只解錦纏頭
與汝作詩傳不朽

續麗人行

李仲謀家有周助畫背面
欠伸內人極精戲作此詩

深宮無人春日長
沉香亭北百花香
美人睡起薄梳洗
燕舞鶯啼空斷腸
畫工欲畫無窮意
背立東風初破睡
若教回首却嫣然
陽城下蔡俱風靡
杜陵飢客眼長寒
蹇驢破帽隨金鞍
隔花臨水時一見
只許腰肢背後看
心醉歸來茆屋底
方信人間有西子
君不見孟光舉案
與眉齊何曾背面傷春啼

薄命佳人

雙頰凝酥髮抹沙
入簾珠的皪故將白練作仙衣
不許紅膏汗天質吳音嬌軟帶兒癡無限閑愁總不知
自古佳人多命薄閉門春盡楊花落

於潛女

青裙縞袂於潛女兩足如霜不穿履簷沙鬢髮絲穿竹
竹說文機之持緯者蓬杏障前走風雨老溷宮粧傳父祖杜牧詩老溷
卽山鑄後庭千蛾眉此指吳越王也至今遺民悲故主茗溪楊柳初飛絮
照溪畫眉渡溪去逢郎樵歸相媚嫵不信姬姜有齊魯

清溪詞

大江南兮九華西汎秋浦兮亂清溪水渺渺兮山無蹊

路重複兮居者迷爛青紅兮粲高低松干里兮稻千畦
山無人兮雲朝挂藹濛濛兮滄淒淒嘯林谷兮號水泥
走毵毵兮下鳧鷖忽孤壘兮隱重堤杳冥兮聞犬鷄
鬱萬瓦兮鳥翼齊浮軒楹兮飛棋枰鴈南歸兮寒螿嘶
弄秋水兮挹玻璃朝市合兮雜耄覩挾篋瓢兮佩鋤犁
鳥獸散兮相扶攜隱驚雷兮驚長蜺望翠微兮古招提
躋木杪兮翔雲梯若有人兮悵幽栖石爲門兮雲爲闈
嵬虛堂兮法喜妻呼猿狙兮子鹿麕我欲往兮奉杖藜
獨長嘯兮謝阮嵇

醉翁操

并引

聊邪幽谷山水奇麗泉鳴空澗若中音會醉翁喜
之把酒臨聽輒欣然忘歸既去十餘年而好奇之
士沈遵聞之往游以琴寫其聲曰醉翁操節奏疎
宕而音指華暢知琴者以為絕倫然有其聲而無
其辭翁雖為作歌而與琴聲不合又依楚詞作醉
翁引好事者亦倚其詞以製曲雖粗合均度而琴
聲為詞所繩約非天成也後三十餘年翁既捐館
舍而遵亦沒久矣有廬山玉澗道人崔閑特妙於
琴恨此曲之無詞乃譜其聲而請於東坡居士以
補之云

翁澗水燕談錄作有中作翁知詞律作和而云或謂知字之訛如字余謂是涓字賢澗水燕談錄作絃童作同川作淵詞律又云詞雁三兩絃改作兩三絃以今字訛作既字

琅然清園誰彈響空山無言惟翁醉中知其天月明風
露娟娟人未眠荷蕢過山前日有心也哉此賢醉翁嘯
詠聲和流泉醉翁去後空有朝吟夜怨山有時而童巖
水有時而迴川思翁無歲年翁今為飛仙此意在人間
試聽徽外三兩絃
自陽平至斜谷宿於南山中蟠龍寺
橫槎晚渡碧澗口騎馬夜入南山谷谷中暗水響瀧瀧
嶺上疎星明煜煜寺藏崑底千萬仞路轉山腰三百曲
風生饑虎嘯空林月黑驚麕竄修竹入門突兀見深殿
照佛青燐有殘蜀魄無酒食待游人旋斫杉松煮溪荻

百劉本作日

板閣獨眠驚旅枕木魚曉動隨僧粥起觀萬瓦參差日亂千巖散紅綠門前商賈負椒莛山後咫尺連巴蜀何時歸耕江上田一夜心逐南飛鵠

自興國往筠宿石田驛南二十五里野人舍

溪上青山三百疊快馬輕衫來一抹倚山修竹有人家橫道清泉知我渴芒鞋竹杖自輕軟蒲薦松牀亦香滑夜深風露滿中庭惟見孤螢白開闔

吾謫海南子由雷州被命即行了不相知至梧乃聞其尚在藤也旦夕當追及作詩示之

九疑聯綿屬衡湘蒼梧獨在天一方孤城吹角煙樹裡

月唐宋詩醇作日

落月未落江蒼茫幽人撫枕坐嘆息我行忽至舜所藏江邊父老能說子白鬚紅頰如君長莫嫌瓊雷隔雲海聖恩尚許遙相望平生學道真實意豈與窮達俱存亡天其以我為箕子要使此意留要荒他年誰作輿地志海南萬里真吾鄉

同正輔表兄游白木山

偉哉造物真豪縱攬土搏沙為此弄摩開翠峽走雲雷截破奔流作潭洞因隨化人履巨跡得與仙兄躡飛鞚曳杖不知巖谷深穿雲但覺衣裘重坐看驚鳥救霜葉知有老蛟蟠石甕金沙玉礫粲可數古鏡寶奩寒不動

里唐宋詩醇作古

固王本劉本
陳本宋詩欽
唐宋詩醇並
作回陽宋詩
劉唐宋詩醇
並作湯

念兄獨立與世疎絕境難到惟我其永辭角上兩蠻觸
一洗胷中九雲夢浮來山高固望失武陵路絕無人送
筠籃擷翠爪甲香素纒分碧銀餅凍歸路霏霏暘谷暗
野堂活活神泉湧解衣浴此無垢人身輕可試雲間鳳

送別

鴨頭春水濃如染水面桃花弄春臉衰翁送客水邊行
沙襯馬蹄烏帽點昂頭問客幾時歸客道秋風落葉飛
繫馬綠楊開口笑傍山依約見斜暉

游徑山

衆峰來自天目山勢若駿馬奔平川中途勒破千里足

神唐宋詩醇
作誠

金鞭玉鞵相廻旋人言山住木亦住下有萬古蛟龍淵
道人天眼識王氣結茆宴坐荒山巔精神貫山石爲裂
天女下試顏如蓮寒窻煖足來撲渥夜鉢呪木降蜿蜒
雪眉老人朝扣門願爲弟子長叅禪爾來廢興三百載
奔走吳會輸金錢飛樓湧殿壓山破朝鐘暮鼓驚龍眠
晴空仰見浮海蜃落日下數投村鳶有生共處覆載內
擾擾膏火共烹煎近來愈覺世議隘每到寬處差安便
嗟余老矣百事廢却尋舊學心茫然問龍乞水歸洗眼
欲看細字銷殘年

柳唐宋詩醇
作偶共烹煎
劉本唐宋詩
醇並作同烹

安國寺尋春

臥聞百舌呼春風起尋花柳村村同城南古寺修竹合
 小房曲檻欹深紅看花歎老憶年少對酒思家愁老翁
 病眼不羞雲母亂鬢絲強理茶煙中逢知二月王城外
 玉仙洪福花如海薄羅勻霧蓋新粧快馬爭風鳴雜珮
 玉川先生真可憐一生耽酒終無錢病過春風九十日
 獨抱添丁看花發

石鼓歌

永叔云石鼓有十今在鳳翔孔子廟中初棄於野鄭餘慶徙于廟其一無文惟九有

文可見者四百一十七字可識者二百七十二字

冬十二月歲辛丑我初從政見魯叟舊聞石鼓今見之
 文字鬱律蛟蛇走細觀初以指畫壯欲讀嗟如箱在口

韓公好古生已遲我今况又百年後強尋偏傍推點畫

時得一二遺八九我車既攻馬亦同其魚惟鱣貫之柳

其詞云我車既攻我馬亦同又云其魚惟何維鱣維

鯉何以貫之維揚與柳惟此六句可讀餘不可通

器縱橫猶識鼎眾星錯落僅名斗糗糊半已似癥胝詰

曲猶能辨跟肘娟娟缺月隱雲霧濯濯嘉禾秀稂莠漂

流百戰偶然存獨立千載誰與友上迫軒頤相唯諾下

挹冰斯同轂毅憶昔周宣歌鴻雁當時籀史變蝌蚪厭

亂人方思聖賢中興天為生耆耆東征徐虜闕虓虎北

伐犬戎隨指嗾象胥雜沓貢狼鹿方名聯翩賜圭卣遂

因鼓鼙思將帥豈為考擊煩矇瞍何人作誦比崧高萬

齊宋詩百
鈔作高

古斯文齊响嘯動勞至大不矜伐文武未遠猶忠厚欲
等年歲無甲乙豈有名字記誰某自從周衰更七國竟
使秦人有九有掃除詩書誦法律投棄俎豆陳鞭杻堂
年何人佐祖龍上蔡公子牽黃狗登山刻石頌功烈後
者無繼前無偶皆云皇帝巡四國烹滅強暴救黔首六
經既已委灰塵此鼓亦當遭擊拊傳聞九鼎淪泗上欲
使萬夫沈水取暴君縱欲窮人力神物義不汙秦垢是
時石鼓何處避無乃天工令鬼守興亡百變物自閑富
貴一朝名不朽細思物理坐嘆息人生安得如汝壽
王齊萬秀才寓居武昌縣劉郎洑正與伍洲相對

工宋詩鈔作
公坐作多

伍子胥奔吳所從渡江也

君家稻田冠西蜀擣玉揚珠三萬斛塞江流柿起書樓
碧瓦朱欄照山谷傾家取樂不論命散盡黃金如轉燭
惟餘舊書一百車方舟載入荆江曲江上青山亦何有
伍洲遙望劉郎藪明朝寒食當過君請殺耕牛壓私酒
與君飲酒細論文酒酣訪古江之濱仲謀公瑾不須弔

一醉波神英烈君

杭州伍子胥廟封英烈王

芙蓉城 并引

世傳王迥子高與仙人周瑤英游芙蓉城元豐三
年三月余始識子高問之信然乃作此詩極其情

而歸之正亦變風止乎禮義之意也

按子高傳略云忽一夕夢

周道服而至謂君曰我居幽僻君能往否遂從之

但覺其身飄然須臾過一嶺及一門珍禽佳木清流怪石殿閣金碧相照遂與君自東廂門入循廊

至一殿亭甚雄壯下有二樓相視而聳亦甚雄麗廊間半開周忽入君少留須臾周與一女郎至周

曰三山之事息乎曰雖已息奈爾何於是捐掌而去遂巡東廊之門門啓有女流道裝而出者百餘

人立於庭下須臾殿上卷簾有美丈夫一人朝服憑几而庭下之女循次而上少頃憑几者起簾復

下諸女流亦復不見周遂命君登東廂之樓云夢之明日周來君將語其夢周笑曰芳卿之意甚動

人君曰何也周曰芙蓉城也曰憑几者誰三山之

事何謂周皆不對君曰芳卿何姓曰與我同君感其事作詩遺周云

芙蓉城中花冥冥誰其主者石與丁

石曼卿卒後其故人

惚如夢中言我今為仙也所主者芙蓉城欲可故人共遊不若忿然騎一素驪去一慶曆中有朝士冒晨赴起

居正通衢見美婦三十餘人並馬而行若前導者俄見

丁觀文度按轡繼之而去有一人最後行朝士問曰觀

文將游何處曰非也諸女御迎芙蓉館主耳時丁已在告頤之聞卒

舒霞卷千娉婷中有一人長眉青炯如微雲淡疎星往

來三世空鍊形竟坐誤讀黃庭經天門夜開飛爽靈無

復白日乘雲輶俗緣干劫磨不盡翠被冷落淒餘馨因

過緱山朝帝庭按傳云周二即黃朝列君日朝帝卯夜

聞笙簫弭節聽飄然而來誰使令皎如明月入牕櫺忽

然而去不可執寒衾虛幌風泠泠仙宮洞房本不局夢

中同躡鳳皇翎徑度萬里如奔霆玉樓浮空聳亭亭天

書雲篆誰所銘遶樓飛步高矜嶢仙風鏘然韻流鈴籟

執詩人玉屑作尋

酒唐宋詩
作醉

東坡詩金

遽形開如酒醒芳卿寄謝空丁寧子高傳目周命君登東廡之樓上有酒具

憑欄縱觀山川清秀梁上有碑題曰碧雲樓君未及下有一女郎復登是樓年可十五容色嬌媚亦周之比周

謂君曰此芳卿也與我一朝覆水不反銚羅巾別淚空最相愛芳卿蓋其字耳

榮榮子高傳曰周臨別留詩云久事幃帷不暫間今朝離意尚爛珊臨行惟有相思淚滴在羅衣一半爽

春風花開秋葉零世間羅綺紛臙腥此生流浪隨蒼溟

偶然相值兩浮萍願君收視觀三庭勿與佳穀生蝗螟

從渠一念三千齡桂陽成武丁有仙道忽謂其弟曰七

已被召不得停與爾別矣弟問織女何事渡河見何當還答曰織女暫詣牽牛吾去後三千年當還耳明日失

武所下作人間尹與那人與那姪好

驪山

卷五本劉本
詩人玉屑唐
宋詩醇並作
滄
泮成續齊諧
記作城

亡王本陳本
作志

君門如天深幾重君王如帝坐法宮人生難處是安穩

何為來此驪山中複道凌雲接金闕樓觀隱煙橫翠空

林深霧暗迷八駿朝東暮西勞六龍六龍西幸峨眉棧

悲風便入清華院霓裳蕭散羽衣空麋鹿來游猿鶴怨

我上朝元春半老滿地落花無人掃羯鼓樓高掛夕陽

長生殿古生青草可憐吳越兩醢鷄築臺未就已堪悲

長楊五柞漢幸免江都樓成隋自迷由來留連多喪國

宴安醜毒因奢惑三風十愆古所戒不必驪山可亡國

江上看山

船上看山如走馬倏忽過去數百羣前山槎牙忽變態

東坡詩抄 七言古

後嶺雜遝如驚奔仰看微逕斜繚繞上有行人高縹渺
舟中舉手欲與言孤帆南去如飛鳥

百步洪二首 并序

王定國訪予於彭城一日棹小舟與顏長道攜盼
英卿三子游泗水北上聖女山南下百步洪吹笛
飲酒乘月而歸余時以事不往夜着羽衣佇立於
黃樓上相視而笑以謂李太白死世無此樂三百
餘年矣定國既去逾月余復與錢塘參寥師放舟
洪下追懷曩遊已為陳迹喟然而嘆故作二詩一
以遺參寥一以寄定國且示顏長道舒堯文請同

走劉本作起

賦云

長洪斗落生跳波輕舟南下如投梭水師絕叫鳧鴈起
亂石一線爭磋磨有如兔走鷹隼落駿馬下注千丈坡
斷絃離柱箭脫手飛電過隙珠翻荷四山眩轉風掠耳
但見流沫生千渦嶮中得樂雖一快何異水伯誇秋河
我生乘化日夜逝坐覺一念逾新羅紛紛爭奪醉夢裏
豈信荆棘埋銅駝覺來俯仰失千劫回視此水殊委蛇
君看岸邊蒼石上古來蒿眼如蜂窠但應此心無所住
造物雖駛如吾何回船上馬各歸去多言嘵嘵師所呵
佳人未肯回秋波幼輿欲語防飛梭輕舟弄水買一笑

學宋詩鈔唐
宋詩醇並作
似

但見唐宋詩
醇作但覺

醉中蕩槳肩相磨不學長安閭里俠貂裘夜走臙脂坡
獨將詩句擬鮑謝涉江共採秋江荷不知詩中道何語
但見兩頰生微渦我時羽服黃樓上坐見織女初斜河
歸來笛聲滿山谷明月正照金叵羅奈何舍我入塵土
擾擾毛羣欺臥馳不念空齋老病叟退食誰與同委蛇
時來洪上看遺跡忍見屐齒青苔窠詩成不覺雙淚下
悲吟相對惟羊何欲遣佳人寄錦字夜寒手冷無人呵

試院煎茶

蟹眼已過魚眼生颼颼欲作松風鳴蒙茸出磨細珠落
眩轉遶甌飛雪輕銀餅瀉湯誇第二未識古人煎水意

君不見昔時李生好客手自煎貴從活火發新泉又不
見今時潞公煎茶學西蜀定州花瓷琢紅玉我今貧病
常苦飢分無盃盃捧蛾眉且學公家作茗飲塲爐石銚
行相隨不用撐腸拄腹文字五千卷但願一甌常及睡
足日高時

催試官考較戲作

八月十五夜月色隨處好不擇茅簷與市樓况我官居
似蓬島鳳唼堂前野橘香劍潭橋畔秋荷老八月十八
潮壯觀天下無鷗鵬水擊三千里組練長驅十萬夫紅
旗青蓋互明滅黑沙白浪相吞屠人生會合古難必此

景此行那兩得願君聞此添蠟燭門外白袍如立鵠

潤州甘露寺彈箏

多景樓上彈神曲欲斷哀絃再三促江妃出聽霧雨愁
白浪翻空動浮玉喚取吾家雙鳳槽遣作三峽孤猿號
與君合奏芳春調啄木飛來霜樹杪

登州海市 并序

予聞登州海市舊矣父老云嘗出於春夏今歲晚
不復見矣予到官五日而去以不見為恨禱於海
神廣德王之廟明日見焉乃作此詩

東方雲海空復空羣仙出沒空明中蕩搖浮世生萬象

皆宋詩鈔作

島宋詩鈔宋
詩百一鈔唐
宋詩醇並作
鳥

豈有貝闕藏珠宮心知所見皆幻影敢以耳目煩神工
歲寒水冷天地閉為我起蜚鞭魚龍重樓翠阜出霜曉
異事驚倒百歲翁人間所得容力取世外無物誰為雄
率然有請不我拒信我人厄非天窮潮陽太守南遷歸
喜見石廩堆祝融自言正直動山鬼豈知造物哀龍鍾
信眉一笑豈易得神之報汝亦已豐斜陽萬里孤島沒
但見碧海磨青銅新詩綺語亦安用相與變滅隨東風
聞子由瘦 脰耳至難
得肉食
五日一見花豬肉十日一遇黃鷄粥土人頓頓食藜芋
薦以熏鼠燒蝙蝠舊聞蜜唧嘗嘔吐稍近蝦蟇緣習俗

十年京國厭肥瘠，日日饑花壓紅玉。從來此腹負將軍，
今者固宜安脫粟。人言天下無正味，卽且未遽賢麋鹿。
海康別駕復何爲，帽寬帶落驚僮僕。相看會作兩臞仙，
還鄉定可騎黃鵠。

贈潘谷

潘郎曉踏河陽春，明珠白璧驚市人。那知望拜馬蹄下，
胸中一斛泥與塵。何似墨潘穿破褐，琅玕翠餅敲玄笏。
布衫漆墨手如龜，未害冰壺貯秋月。世人重耳輕目前，
區區張李爭姪妍。一朝入海尋李白，先生既作此詩後
死人以爲空看人間畫墨仙。此詩識

琅玕劉本作
琅玕漆墨作
漆黑

歐陽晦夫惠琴枕

中郎不眠仰看屋，得此古椽圍尺竹。輪困濩落非笛用，
剖作袖琴徽軫足。流傳幾處到淵明，臥枕綸巾酒新漉。
孤鸞別鶴誰復聞，鼻息齁齁自成曲。

鐵溝行贈喬太傅

城東坡隴何所似，似風吹海濤。低復起，城中病守無所爲。
走馬來尋鐵溝水，鐵溝水淺不容輶。恰似當年韓與侯，
有魚無魚何足道。駕言聊復寫我憂，孤村野店亦何有。
欲發狂言須斗酒，山頭落日側金盆。倒着接羅搔白首，
忽憶從軍年少時。輕裘細馬百不知，臂弓腰箭南山下。

追逐長楊射獵兒，老去同君兩憔悴。犯夜醉歸人不避，明年定起故將軍。未肯先誅霸陵尉。

贈李彥威秀才

魏王大瓠實五石，種成濩落將安適。可憐公子持十牛，海上三年竟何得。先生少負不羈才，從軍數到單于臺。天山直欲三箭取，白衣將軍何人哉。夜逢怪石曾飲羽，戲中戟枝何足數。誓將馬革裹尸還，肯學班超苦兒女。封侯衛霍知幾許，老矣先生困羈旅。酒酣聊復說平生，結襪猶堪一再鼓。棄書捐劍學萬人，紈袴儒冠皆誤身。窮途政似不龜手，與世羞為西子顰。如今惟有談天口。

雲夢胸中吞八九，世間萬事寄黃梁。且與先生說烏有。

作詩寄王晉卿，忽憶前年寒食北城之游，走筆為

此詩

北城寒食煙火微，落花胡蝶作團飛。王孫出游樂志歸，門前驄馬紫金鞵。吹笙帳底煙霏霏，行人舉頭誰敢睇。扣門狂客君不麾，更遣傾城出翠幃。書生老眼省見稀，畫圖但覺周昉肥。別來春物已再菲，西望不見紅日圍。何時東山歌采薇，把盞一聽金縷衣。

與葉淳老侯敦夫張秉道同相視新河秉道有詩

次韻二首 選一

君不見元帥府前羅萬戟，濤頭未順干戈射。至今鳳皇山下路，長借一箭開兩翼。我鑿西湖還舊觀，一眼已盡西南碧。又將回奪浮山險，千艘夜下無南北。坐陳三策，本人謀惟留一諾。待我畫老病思歸，真暫寓功名如幻。終何得從來自笑，畫地足此事。何殊食雞肋，憐君嗜好更迂闊。得我新詩喜折屐，江湖粗了我徑歸。餘事後來當潤色，一菴閒臥洞霄宮。井有丹砂水長赤。

和柳子玉喜雪次韻仍呈述古

詩翁愛酒長如渴，瓶盡欲沽囊已竭。燈青火冷不成眠，一夜撚鬚吟喜雪。詩成就我覓權處，我窮正與君髣髴。

曷不走投陳孟公有酒，醉君仍飽德瓊瑤。欲盡天應惜，更遣清光續殘月。安得佳人擢素手，笑捧玉盃兩奇絕。艷歌一曲回陽春，坐使高堂生暖熱。

軾在潁州與趙德麟同治西湖未成改揚州三月

十六日湖成德麟有詩見懷次韻

太山秋毫兩無窮，鉅細本出相形中。大千起滅一塵裏，未覺杭穎誰雌雄。我在錢塘拓湖淥，大堤士女爭昌丰。六橋橫絕天漢上，北山始與南屏通。忽驚二十五萬丈，老葑席捲蒼雲空。竭來潁尾弄秋色，一水縈帶昭靈宮。坐思吳越不可到，借君月斧修臃腫。二十四橋亦何有，

換此十頃玻璃風雷塘水乾禾黍滿寶釵耕出餘鸞龍
明年詩客來弔古伴我霜夜號秋蟲德麟見約來楊寄居亦有意求楊侔
莫笑銀杯小答喬大博

陶潛一縣令獨飲仍獨醒猶將公田二頃五十畝種秫
作酒不種秔我今號為二千石歲釀百石何以醉賓客
請君莫笑銀杯小爾來歲早東海窄會當掃衣歸故丘
作書貸粟監河侯萬斛船中著美酒與君一生長拍浮

和李邦直沂山祈雨有應

高田生黃埃下田生蒼耳蒼耳亦已無更問麥有幾蛟
龍睡足亦解慙二麥枯時雨如洗不知雨從何處來但

向宋詩鈔唐
宋詩醇並作
上

粟宋詩鈔唐
宋詩醇並作
穀

臥疾王本劉
本陳本並作
終
除劉本作餘

聞呂梁百步聲如雷試向城南望城北際天菽粟青成
堆飢火燒腸作牛吼不知待得秋成否半年不雨坐龍
慵共怨天公不怨龍今朝一雨聊自贖神龍社鬼各言
功無功日盜太倉粟嗟我與龍同此責勸農使者不汝
容因君作詩先自効

和子由與顏長道同遊百步洪相地築亭種柳

平生坐衙不煖席歸來閉閣閒臥疾臥聞客至倒屣迎
兩眼蒙籠除睡色城東泗水步可到路轉河洪翻雪白
安得青絲絡駿馬蹙踏飛波柳陰下奮身三丈兩蹄間
振鬣長鳴聲自乾少年狂興久已謝但憶嘉陵遶劍關

東坡詩集
劍關大道車方軌君自不去歸何難山中故人應大笑
築室種柳何時還

次韻答劉涇

吟詩莫作秋蟲聲天公怪汝鈎物情使汝未老華髮生
芝蘭得雨蔚青青何用自燔以出馨細書十紙雜真行
新音百變口如鷺異義鋒起弟子爭舌翻濤瀾卷齊城
萬卷堆曾兀相撐以病爲樂子未經我有至味非煎烹
是中之樂可難名綠槐如山闢廣庭飛蟲繞耳細而清
敗席展轉臥見驚亦不自嫌翠織成意行信足無溝坑
不識五郎呼作卿吏民哀我老不明相戒無復煩鞭刑

經劉本唐宋
詩醇並作整

經劉本唐宋
詩醇並作經

時臨泗水照星星微風不起鏡面平安得一舟如葉輕
臥聞郵籤報水程萼羹羊酪不須評一飽且救飢腸鳴

次韻秦觀秀才見贈秦與孫年老李公擇甚熟將

入京應舉

夜光明月非所投逢年遇合百無憂將軍百戰竟不侯
伯郎一斗得涼州翹關負重君無力十年不入紛華域
故人坐上見君文謂是古人吟莫測新詩說盡萬物情
硬黃小字臨黃庭故人已去君未到空吟河畔草青青
誰謂他鄉各異縣天遣君來破我願一聞君語識君心
短李髯孫眼中見江湖放浪久全真忽然一鳴驚倒人

縱橫所往無不可知君不怕新書新千金做帝那堪換
我亦淹留豈長算山中既未決同歸我聊爾耳君其漫

次韻王鞏獨眠

居士身心如槁木旅館孤眠體生粟誰能相思琢白玉
服藥千朝債一宿天寒日短銀燈續欲往從之車脫軸
何人吹斷參差竹泗水茫茫鴨頭綠

次韻王定國南遷回見寄

土暈銅花蝕秋水要須悍石相礪砥十年冰蘖戰膏梁
萬里煙波濯紈綺歸來詩思轉清澗百丈空潭數魴鯉
逝將桂浦擷蘭蓀不記槐堂收劔履却思庾嶺今何在

收劉本作版

更說彭城真夢耳

來詩述彭城舊遊

君知先竭是甘井我願得

全如苦李妄心不復九回腸至道終當三洗髓廣陵陽

羨何足較只有無何真我里樂全老子今禪伯

張安道也定國

其掣電機鋒不容擬心通豈復問云何印可聊須答如

是相逢為我話留滯桃花春漲孤舟起

次韻答賈耘老

五年一夢南司州饑寒疾病為子憂東來六月井無水
仰看古堰橫奔牛平生管鮑子知我今日陳蔡誰從丘
夜航爭渡泥水澀牽挽直欲來瓜洲自言嗜酒得風痺
故鄉不敢居溫柔定將泛愛救溝壑衰病不復從前樂

張野客叢書作浪

今年太守真臥龍笑語炎天出水電時低九尺蒼鬚髯
過我三間小池閣故人改觀爭來賀小兒不信猶疑錯
爲君置酒飲且哦草間秋蟲亦能歌可憐老驥真老矣
無心更秣天山禾

和蔡準郎中見邀遊西湖一首

夏潦漲湖深更幽西風落木芙蓉秋飛雪暗天雲拂地
新蒲出水柳映洲湖上四時看不足惟有人生飄若浮
解顏一笑豈易得主人有酒君應留君不見錢塘遊宦
客朝推囚暮決獄不因人喚何時休

和子由踏青

春風陌上驚微塵游入初樂歲華新人間正好路傍飲
麥短未怕游車輪城中居人厭城郭喧闐曉出空四鄰
歌鼓驚山草木動簞瓢散野鳥鳶馴何人聚衆稱道人
遮道賣符色怒嗔宜蠶使汝蠶如甕宜畜使汝羊如麇
路人未必信此語強爲買服禳新春道人得錢徑沽酒
醉倒自謂吾符神

和蔡景繁海州石室

芙蓉仙人舊遊處石曼卿嘗通判海州以山嶺高峻人
路不通了無花卉點綴映照使人以
泥裏桃核爲彈拋擲於山嶺之上二崙間花發滿山
爛如錦繡又歐陽文忠公歸田錄曰石曼卿卒爲仙人
主芙蓉城蒼藤翠壁初無路戲將桃核裏黃泥石間散擲如

風雨坐令空山出錦繡倚天照海花無數花間石室可
容車流蘇寶蓋窺靈宇何年霹靂起神物玉棺飛出王
喬墓當時醉臥動千日至今石縫餘糟醕仙人一去五
十年花老室空誰作主手植數松今偃蓋蒼髯白甲低
瓊戶我來取酒醉先生後車仍載胡琴女一聲冰鐵散
巖谷海為瀾翻松為舞爾來心賞復何人持節中郎醉
無伍獨臨斷岸撫出日紅波碧巘相吞吐徑尋我語覓
餘聲拄杖彭鏗叩銅鼓長篇小字遠相寄一唱三嘆神
悽楚江風海雨入牙頰似聽石室胡琴語我今老病不
出門海山巖洞知何許門外桃花自開落牀頭酒甕生

撫唐宋詩醉
作呼

塵土前年開閣放柳枝今年洗心參佛祖夢中舊事時
一笑坐覺俯仰成今古願君不用刻此詩東海桑田真
日暮

送劉攽倅海陵

君不見阮嗣宗臧否不挂口休誇舌在牙齒牢是中惟
可飲醇酒讀書不用多作詩不須工海邊無事日日醉
夢魂不到蓬萊宮秋風昨夜入庭樹蓴絲未老君先去
君先去幾時回劉郎應白髮桃花開不開

送劉道原歸覲南康

晏嬰不滿六尺長高節萬仞凌首陽青衫白髮不自歎

當宋詩鈔唐
宋詩醇並作
與

今王本劉本
陳本宋詩鈔
唐宋詩醇並
作驚

姓字唐宋詩
醇作名姓

富貴在天那得忙十年閉戶樂幽獨
百金購書收散亡
竭來東觀弄丹墨聊借舊史誅姦彊
孔融不肯下曹操
汲黯本自輕張湯雖無尺箠當寸刃
口吻排擊含風霜
自言靜中閱世俗有似不飲觀酒在
衣中狼藉又屢舞
傍人大笑供千場交朋翩翩去略盡
惟我與子猶彷徨
世人共棄君獨厚豈敢自愛恐子傷
朝來告別今何速
歸意已逐征鴻翔匡廬先生古君子
挂冠兩紀鬢未蒼
定將文度置膝上喜動鄰里烹猪羊
君歸為我道姓字
幅巾他日容登堂

送張職方吉甫赴閩漕六和寺中作

羨君超然鸞鶴姿江湖欲下還飛去
空使吳兒怨不留
青山漫漫七閩路門前江水去掀天
寺後清池碧玉環
君如大江日千里我如此水千山底

送李公恕赴闕

君才有如切玉刀見之凜凜寒生毛
願隨壯士斬蛟蜃
不願腰間纏錦條用違其才志不展
坐與胥吏同疲勞
忽然眉上有黃氣吾君漸欲收英髦
立談左右皆動色
一語徑破千言牢我頭分符在東武
脫略萬事唯嬉遨
盡壞屏障通內外仍呼騎曹為馬曹
君為使者見不問
反更對飲持雙螯酒酣箕坐語驚眾
雜以嘲諷窮詩騷

皆劉本唐宋
詩醇並作但

汝唐宋詩醉
作文

世上小兒多，忌諱獨能容。我真賢豪為我買田臨汝水，
逝將歸去誅蓬蒿。安能終老塵土下，俯仰隨人如桔槔。

送孔郎中赴陝郊

驚風擊面黃沙走，西出崤函脫塵垢。使君來自古徐州，
聲振河潼殿闕右。十里長亭聞鼓角，一川秀色明花柳。
北臨飛檻卷黃流，南望青山如峴首。東風吹開錦繡谷，
淥水翻動蒲萄酒。訟庭生草數開尊，過客如雲牢閉口。

和子由送將官梁左藏仲通

雨足誰言春麥短，城堅不怕秋濤卷。日長惟有睡相宜，
半脫紗巾落紈扇。芳草不勸當戶長，珍禽獨下無人見。

覺來身世都是夢，坐久枕痕猶著面。城西忽報故人來，
急掃風軒炊麥飯。伏波論兵初鬢鏢，中散談仙更清遠。
南都從事亦學道，謂子由也不恤腸空誇腦滿。問羊他日到
金華，應許相將遊閬苑。

送將官梁左藏赴莫州

燕南垂趙北，際其間不合大如礪。後漢公孫瓚傳童謡曰燕南垂趙北際中
央不合大如礪惟有此中可避世瓚既破劉虞至今父
盡有幽州之地自以為易地當之乃徙鎮焉

老哀公孫烝，土為城鐵作門。城中積穀三百萬，猛士如
雲驕不戰。一朝鼓角鳴地中，帳下美人空掩面。豈知千
騎平時來，笑談警殺生。風雷葛巾羽扇紅塵靜，投壺雅

知王本劉本
並作如

東坡詩金
歌清宴開，東方健兒虓虎樣。涕泣懷思廉耻將，彭城老守亦悽然不見君家雪兒唱。

送淵師歸徑山

我昔嘗為徑山客，至今詩筆餘山色。師住此山三十年，妙語應須得山骨。溪城六月水雲蒸，飛蚊猛捷如花鷹。羨師方丈冰雪冷，蘭膏不動長明燈。山中故人知我至，爭來問訊今何似。為言百事不如人，兩眼猶能書細字。

徑山下無蚊，余舊詩云問龍乞水歸洗眼，欲看細字銷殘年。

送戴蒙赴成都玉局觀將老焉

拾遺被酒行歌處，野梅官柳西郊路。聞道華陽版籍中，

至今尚有城南杜。我欲歸尋萬里橋，水花風葉暮蕭蕭。芊魁徑尺誰能盡，橙木三年已足燒。百歲風狂定何有，羨君今作峨眉叟。縱未家生執戟郎，也應世出埋輪守。莫欺老病未歸身，玉局他年第幾人。會待子猷清興發，還須雪夜去尋君。

送陳陸知潭州

華清縹緲浮高棟，上有纈林藏石甕。一杯此地初識君，千巖夜上同飛鞚。君時年少面如玉，一飲百觚嫌未痛。白鹿泉頭山月出，寒光潑眼如流汞。朝元閣上酒醒時，臥聽風鸞鳴鐵鳳。舊游空在人何處，二十三年真一夢。

陸劉本末詩鈔並作陸

東坡詩金
我得生還雪髯滿君亦老嫌金帶重有如社燕與秋鴻
相逢未穩還相送洞庭青草渺無際天柱紫蓋森欲動
湖南萬古一長嗟付與騷人發嘲弄

用前韻答西掖諸公見和

雙猊蟠礎龍纏棟金井轆轤鳴曉甕小殿垂簾白玉鉤
大宛立仗朱絲鞞風馭賓天雲雨隔蓋言神宗孤臣忍淚肝
腸痛羨君意氣風生座落筆縱橫盤走汞上樽日月漁
黃封賜茗時時開小鳳閉門憐我老太玄給札看君賦
雲夢金奏不知江海眩木瓜屢費瑤瓊重豈惟蹇步困
追攀已覺侍史疲奔送春還宮柳腰肢活水入御溝鱗

日月劉本作
日日

甲動借君妙語發春容顧我風琴不成弄

送表弟程六知楚州

炯炯明珠照雙璧當年三老蘇程石里人下道避鳩杖
刺史迎門倒皂烏我時與子皆兒童狂走從人覓梨栗
健如黃犢不可恃隙過白駒那暇惜醴泉寺古垂橘柚
石頭山高暗松櫟諸孫相逢萬里外一笑未解千憂積
子方得郡古山陽老手風生謝刀筆我正含毫紫微閣
病眼昏花困書檄莫教印綬繫餘年去掃墳墓常有日
功成頭白早歸來共籍梨花作寒食

送王伯敷守號

東坡詩集
華山東麓秦遺民當時依山來避秦至今風俗含古意
柔桑綠水招行人行人掉臂不回首爭入峭函土囊口
惟有使君千里來欲飲三堂無事酒三堂本來一事無
日長睡起聞投壺牀頭硯石開雲月澗底松根斲雪腴
山棚盜散人安寢勸買耕牛發陳廩歸來只作水衡卿
我欲攜壺就君飲

慶源宣義王丈人以累舉得官為洪雅主簿雅州
戶椽遇吏如家人人安樂之既謝事居眉之青神
瑞草橋放懷自得有書來求紅帶既以遺之且作
詩為戲黃魯直學士秦少游賢良各賦一首為老

人光華

姚宋詩鈔作
母度劉本宋
詩鈔唐宋詩
醇並作渡

覺宋詩鈔唐
宋詩醇並作
學

青衫半作霜葉枯遇民如兒吏如奴吏民莫作官長看
我是識字耕田夫妻啼兒號刺史怒時有野人來挽鬚
拂衣自注下下考芋魁飯豆吾豈無歸來瑞草橋邊路
獨遊還佩平生壺慈姥巖前自喚度青衣江畔人爭扶
今年蠶市數州集中有遺民懷袴襦邑中之黔相指似
白髯紅帶老不癯我欲西歸卜鄰舍隔牆撫掌容歌呼
不覺王山乘駟馬回頭空指黃公壚

送碧香酒與趙明叔教授

聞君有婦賢且廉勸君慎勿為楚相不羨紫駝分御食

自遣赤脚沽村釀，嗟君老狂不知愧。更吟醜婦惡，嘲謗諸生聞。語定失笑冬，煖號寒臥無帳。碧香近出帝子家，王駙馬家造碧香酒。鵝兒破殼酥流盎，不學劉伶獨自飲。一壺往助齊眉餉。

寄蘄簞與蒲傳正

蘭溪美箭不成笛，離離玉筍排霜脊。千溝萬縷自生風，入手未開先慘慄。公家列屋閉蛾眉，珠簾不動花陰移。霧帳銀牀初破睡，牙籤玉局坐彈碁。東坡病叟長羈旅，凍餓飢吟似飢鼠。倚賴春風洗破衾，一夜雪寒披故絮。火冷燈清誰復知，孤舟兒女自憂咿。皇天何時反炎燠。

閉劉本宋詩鈔唐並作開

餓宋詩鈔唐宋詩醇並作臥清作寺

愧此八尺黃琉璃，願公淨掃清香閣。臥聽風漪聲滿榻，習習還從兩腋生。請公乘此朝間闔。

寄吳德仁兼簡陳季常

東坡先生無一錢，十年家火燒凡鉛。黃金可成河可塞，只有霜鬚無由玄。龍丘居士亦可憐，談空說有夜不眠。忽聞河東師子吼，季常之妻柳氏最悍，如每季常設客有聲妓，柳氏則以杖擊照壁大呼客至為散去。拄杖落手心茫然，誰似濮陽公子賢。飲酒食肉自得仙，平生寓物不留物。在家學得忘家禪，門前罷亞十頃田。清溪遶屋花連天，溪堂醉臥呼不醒。落花如雪春風顛，我遊蘭谿訪清泉。已辦布襪青行纏，嵇山不是無

東坡詩集
賀老我自興盡回酒船恨君不識顏平原恨我不識元
魯山銅駝陌上會相見握手一笑三千年真卿嘗得名藥後為李希烈所害發棺瞋目如生時隱士曹唐生日後三十年必能擘裂飛騰而去

名還至都門先寄子由

老身倦馬河堤永踏盡黃榆綠槐影荒雞號月未三更
客夢還家時一頃歸老江湖無歲月未填溝壑猶朝請
黃門殿中奏事罷詔許來迎先出省已飛青蓋在河梁
定餉黃封兼賜茗遠來無物可相贈一味豐年說淮穎

送宋構朝散知彭州迎侍二親

東來誰迎使君車知是丈人屋上烏丈人今年二毛初

登樓上馬不用扶使君負弩為前驅蜀人不復談相如
老幼化服一事無有鞭不施安用蒲春波如天漲平湖
鞞紅照坐香生膚綦鞵上壽白玉壺公堂登歌鳳將雛
諸孫懽笑爭挽鬚蜀人畫作西湖圖

余與李廌方叔相知久矣領貢舉事而李不得第

愧甚作詩送之

與君相從非一日筆勢翩翩疑可識平生謾說古戰場
過眼終迷日五色我慙不出君大笑行止皆天子何責
青袍白紵五千人知子無怨亦無德買羊酤酒謝玉川
為我醉倒春風前歸家但草凌雲賦我相夫子非臞仙

生石林燕語
作時終養病
漫筆作空

次韻送程六表弟

君家兄弟真連璧，門下朱輪家萬石。竹使猶分刺史符，尚方行賜尚書舄。前年持節發倉廩，到處賣刀收繭栗。歸來閉口不論功，却走渡江誰復惜。君才不用如澗松，我老得全似社櫟。青衫莫厭百僚底，白首上有千薪積。憶昔江湖一釣舟，無數雲山供點筆。未應便障西風扇，只恐先移北山檄。憑君寄謝江南叟，念我空見長安日。浮江泝蜀有成言，江水在此吾不食。

次前韻送劉景文

白雲在天不可呼，明月豈肯留庭隅。怪君西行八百里

汪雪滿石林詩詠作滿鬢

殊劉本作殊

清坐十日一事無，路人不識呼尚書。但見凜凜雄丈夫，君一馬兩僕率然相訪逆。旅多呼尚書，意謂君都頭也。豈知入骨愛詩酒，醉倒正欲蛾眉扶。一篇向人寫肝肺，四海知我霜鬢髮。君前有詩見寄云四海共知霜雪滿，歐陽趙陳皆我有。豈謂夫子駕復迂爾來，又見三黜柳共此。爇熱食，瓊蘇酒，肴酸薄，紅粉暗。祗有潁水清，而殊一朝寂寞風雨散。對影誰念月與吾，郡中日與歐陽叔弼趙景貺陳履常相從而景文復至不數日，柳戒之亦見過賓客之盛，頃所未有。然不數日叔弼景文戒之皆去矣。何時歸帆泝江水，春酒一變甘棠湖。景文近卜居九江近甘棠湖

送曾仲錫通判如京師

笑王本劉本
陳本並作嘯

邊城歲暮多風雪，強壓香膠與君別。玉帳夜談霜月苦，
鐵騎曉出冰河裂。斷蓬飛葉卷黃沙，祇有千林鬢髮花。
應為王孫朝上國，珠幢玉節與排衙。左援公孝右孟博，
我居其間笑且諾。僕夫為我催歸來，要與北海春水爭。
先回

余劉本宋詩
並作念

興龍節侍宴前一日微雪與子由同訪王定國小
欲清虛堂定國出數詩皆佳而五言尤奇子由又
言昔與孫巨源同過定國感余存歿悲歎久之夜
歸稍醒各賦一篇明日朝中以示定國也
天風淅淅飛玉沙，詔恩歸沐休早衙。遙知清虛堂裏雪

是王本劉本
陳本宋詩
並作似

似王本劉本
陳本並作得

栗劉本作粟

正是蒼荀林中花，出門自笑無所詣。呼酒持勸惟君家，
踏冰凌兢戰疲馬。扣門剝啄驚寒鴉，羨君五字入詩律。
欲與六出爭天葩，頭風已倩檄手愈。背癢恰似仙人爬，
銀瓶瀉油浮蟻酒。紫盃鋪栗盤，龍茶幅巾起作鴛鴦舞。
疊鼓誰慘漁陽撾，九衢燈火雜夢寐。十年聚散空咨嗟，
明朝握手殿門外，共看銀闕瞰朝霞。

聚星堂雪 并序

元祐六年十一月一日禱雨張龍公得小雪與客
會飲聚星堂忽憶歐陽文忠公作守時雪中約客
賦詩禁體物語於艱難中特出奇麗爾來四十餘

年莫有繼者僕以老門生繼公後雖不足追配先
生而賓客之美殆不減當時公之二子又適在郡

故輒舉前令各賦一篇

玉月梨梅練絮白舞
鵝鶴等事皆請勿用

初行唐宋詩
醉作行初

窗前暗響鳴枯葉龍公試手初行雪映空先集疑有無
作態斜飛正愁絕衆賓起舞風竹亂老守先醉霜松折
恨無翠袖點橫斜祇有微燈照明滅歸來尚喜更鼓永
晨起不待鈴索掣未嫌長夜作衣稜却怕初陽生眼纈
欲浮大白追餘賞幸有回飈驚落眉模糊檜頂獨多時
歷亂瓦溝裁一瞥汝南先賢有故事醉翁詩話誰續說
當時號令君聽取白戰不許持寸鐵

永唐宋詩
作暗

陪歐陽公宴西湖

潁州西湖

謂公方壯鬚似雪謂公已老光浮頰竭來湖上飲美酒
醉後劇談猶激烈湖邊草木新著霜芙蓉晚菊爭煌煌
插花起舞為公壽公言百歲如風狂赤松其遊也不惡
誰能忍飢啗仙藥已將壽夭付天公彼徒辛苦吾差樂
城上烏棲暮靄生銀缸畫燭照湖明不辭歌詩勸公飲
坐無桓伊能撫箏

與臨安令宗人同年劇飲

我雖不解飲把盞歡意足試呼白髮感秋人令唱黃鸝
催曉曲與君登科如隔晨做袍霜雪空殘綠如今莫問

雪劉本作葉

老與少兒子森森如立竹黃雞催曉不須愁老盡世人非我獨

與梁左藏會飲傳國博家

將軍破賊自草檄論詩說劍俱第一彭城老守本虛名識字劣能欺項籍風流別駕貴公子欲把笙歌煖鋒鏑紅旆朝開猛士謀翠帷暮捲佳人出東堂醉臥呼不起啼鳥落花春寂寂試教長笛傍耳根一聲吹裂堦前石

月夜與客飲酒杏花下

杏花飛簾散餘春明月入戶每幽人褰衣步月踏花影烟如流水涵青蘋花間置酒清香發爭挽長條落香雪

落玉本作綠

山城薄酒不堪飲勸君且吸杯中月洞簫聲斷月明中惟憂月落酒杯空明朝卷地春風惡但見落葉栖殘紅

攜妓樂遊張山人園

大杏金黃先麥熟墮巢乳燕拳新竹故將俗物惱幽人細馬紅粧滿山谷提壺勸酒意雖重杜鵑催歸聲更速酒闌人散却關門寂歷斜陽挂疎木

先玉本劉本陳本宋詩鈔並作小

動劉本作碎

大雪青州道上有懷東武園亭寄交代孔周翰

超然臺上雪城郭山川兩奇絕海風吹動碧琉璃時見三山白銀闕蓋公堂前雪綠窻朱戶相明滅堂中美人雪爭妍粲然一笑玉齒頰就中山堂雪更奇青松怪石

戶劉本作門

亂瓊絲惟有使君遊不歸五更上馬愁歛眉君不見淮
西李常侍夜入蔡州縛取吳元濟又不見襄陽孟浩然
長安道上騎驢吟雪詩何當閉戶飲美酒無人毀譽河
東守

戲子由

宛丘先生長如丘宛丘學舍小如舟宛丘陳州也時常
子由為學官
時低頭誦經史忽然欠伸屋打頭斜風吹帷雨注面先
生不愧傍人羞任從飽死笑方朔肯為雨立求秦優眼
前勃磈何足道處置六鑿須天游讀書萬卷不讀律致
君堯舜知無術勸農冠蓋開如雲送老蠶鹽甘似蜜門

蘇轍宋詩鈔
作鹽蠶

諾唯烏臺詩
案唐宋詩醇
並作唯諾

前萬事不挂眼頭雖長低氣不屈餘杭別駕無功勞餘杭
別駕先生
自言也畫堂五丈容旗旄重樓跨空雨聲遠屋多人
少風騷騷平生所慙今不恥坐對疲氓更鞭箠道逢陽
虎呼與言心知其非口諾唯居高志下真何益氣節消
縮今無幾文章小技安足程先生別駕舊齊名如今衰
老俱無用付與時人分重輕

鹽官部役戲呈同事兼寄述古

新月照水水欲冰夜霜穿屋衣生稜野廬半與牛羊共
曉鼓邨隨鴉鵲興夜來履破裘穿縫紅頰曲眉應入夢
千夫在野口如林豈不懷歸畏嘲弄我州賢將知人勞

已釀白酒買豚羔耐寒努力歸不遠兩脚凍硬公須軟
將之湖州戲贈莘老

餘杭自是山水窟側聞吳興更清絕湖中橘林新著霜
溪上茗花正浮雪顧渚茶芽白於齒梅溪木瓜紅勝頰
吳兒膾縷薄欲飛未去先說饒涎垂亦知謝公到郡久
應怪壯牧尋春遊鬢絲只好對禪榻湖亭不用張水嬉

戲用晁補之韻

昔我嘗陪醉翁醉今君但吟詩老詩清詩咀嚼那得飽
瘦竹瀟灑令人飢試問鳳凰飢食竹何如鴛馬肥苜蓿
知君忍飢空誦詩口頰瀾翻如布穀

室劉本作堅

答王鞏鞏將見過有詩自謂惡客戲之

汴泗遶吾城城室如削鐵中有李臨淮號令肝膽裂古
來彭城守未省怕惡客惡客云是誰祥符相公孫是家
豪逸生有種千金一擲頗黎盆連車載酒來不飲外酒
嫌其村子有干瓶酒我有萬株菊任子藤頭插團圓見
花不見目醉中插花歸花重壓折軸問客何所須客言
我愛山青山自遶郭不要買山錢此外有黃樓樓下一
河水美哉洋洋乎可以療飢并洗耳彭城之游樂復樂
客惡何如主人惡

團圓
團圓劉本作

夜過舒堯文戲作

先生堂前霜月苦，弟子讀書喧。兩廡推門入，室書縱橫。
蠟紙燈籠幌，雲母先生骨。清少眠臥長，夜默坐數更。鼓
耐寒石硯欲生冰，得火銅笻如過雨。郎君欲出先自贊，
坐客歛衽誰敢侮。明朝阮籍過阿戎，應作義之美。懷祖
陳季常自岐亭見訪郡中及舊州諸豪爭欲邀致
之戲作陳孟公詩一首

孟公好飲寧論斗，醉後關門防客走。不妨閑過左阿君，
百適終為賢太守。老居閭里自浮沉，笑問伯松何苦心。
忽然載酒從陋巷，為愛揚雄作酒箴。長安富兒求一過，
千金壽君君笑唾。汝家安得客孟公，從來只識陳驚坐。

九日黃樓作

去年重陽不可說，南城夜半千漚。水穿城下作雷鳴，
泥滿城頭飛雨滑。黃花白酒無人問，日暮歸來洗鞵鞢。
豈知還復有今年，把盞對花容。一呷莫嫌酒薄紅粉陋，
終勝泥中千柄插。黃樓新城壁未乾，青荷已落霜初殺。
朝來白露細如雨，南山不見千尋刹。樓前便作海茫茫，
樓下空聞櫓鴉軋。薄寒中人老可畏，熟酒澆腸氣先壓。
煙消日出見漁村，遠水鱗鱗山鬻鬻。詩人猛士雜龍虎，
楚舞吳歌亂鵝鴨。一杯相屬君勿辭，此境何殊泛清雪。

遊金山寺

千柄插宋詩
鈔作事鈔鐘
插王本劉本
陳本唐宋詩
醉並作錦城
劉本宋詩鈔
唐宋詩醇並
作成荷宋詩
鈔唐宋詩醉
並作河細如
作如細

敘宋詩鈔宋
詩百一缺唐
朱詩醇前作
文

我家江水初發源，宦遊直送江入海。聞道潮頭一丈高，
天寒尚有沙痕在。中泠南畔石盤陀，古來出沒隨濤波。
試登絕頂望鄉國，江南江北青山多。羈愁畏晚尋歸楫，
山僧苦留看落日。微風萬頃靴紋細，斷霞半空魚尾赤。
是時江月初生魄，二更月落天深黑。江心似有炬火明，
飛焰照山棲鳥驚。悵然歸臥心莫識，非鬼非人竟何物。
江山如此不歸山，江神見怪驚我頑。我謝江神豈得已，
有田不歸如江水。是夜所見如此

雨中遊天竺靈感觀音院

蠶欲老麥半黃，前山後山雨浪浪。農夫輟耒女廢筐，白

衣仙人在高堂

宿海會寺

籃輿三日山中行，山中信美少曠平。下投黃泉上青冥，
線路每與猿狖爭。重樓束縛遭澗坑，兩股酸哀饑腸鳴。
北渡飛橋踏彭鏗，繚垣百步如古城。大鐘一撞千指迎，
高堂延客夜不扃。杉槽漆斛江湖傾，本來無垢洗更輕。
倒牀鼻息四鄰驚，統如五鼓天未明。木魚呼粥亮且清，
不聞人聲聞履聲。

定惠院寓居月夜偶出

幽人無事不出門，偶逐東風轉良夜。參差玉宇飛木末，

飲唐宋詩醇
作猿
一唐宋詩醇
作橫

忽忽劉本作
忽忽

但當唐宋詩
醉作朗門

繚繞香煙來月下江雲有態清自媚竹露無聲浩如瀉
已驚弱柳萬絲垂尚有殘梅一枝亞清詩獨吟還白和
白酒已盡誰能借不辭青春忽忽過但恐歡意年年謝
自知醉耳愛松風會揀霜林結茅舍浮浮大甑長炊玉
溜溜小槽如壓蔗飲中真味老更濃醉裡狂言醒可怕
但當謝客對妻子倒冠落珮從嘲罵

寓居合江樓

海山葱隴氣佳哉二江合處朱樓開蓬萊方丈應不遠
肯為蘇子浮江來江風初涼睡正穩樓上啼鴉呼我起
我今身世兩相違西流白日東流水樓中老人日清新

聞劉本宋詩
鈔作開

天上豈有癡仙人三山咫尺不歸去一杯付與羅浮春
四月十一日初食荔枝

南村諸楊北村盧白華青葉冬不枯垂黃綴紫煙雨裏
特與荔子為先驅海山仙人絳羅襦紅紗中單白玉膚
不須更待妃子笑風骨自是傾城姝不知天公有意無
遣此尤物生海隅雲山得伴松檜老霜雪自困橙梨麤
先生洗盞酌桂醕冰盤薦此頰虬珠似聞江鱈斫玉柱
更洗河豚烹腹腴予嘗謂荔枝厚味高格兩絕果中無比惟江鱈柱河豚魚近之耳我
生涉世本為口一官久已輕尊鱸人間何者非夢幻南
來萬里真良圖

荔支歎

十里一置飛塵灰，五里一候兵火催。顛坑什谷相枕籍，知是荔支龍眼來。飛車跨山鵲橫海，風枝露葉如新採。宮中美人一破顏，驚塵濺血流千載。永元荔支來交州，天寶歲貢取之涪。至今欲食林甫肉，無人舉觴酌伯游。唐羌字伯游為林武長上書言狀和帝罷之我願天公憐赤子，莫生尤物為瘡痍。兩順風調百穀登，民不飢寒為上瑞。君不見武夷溪邊粟粒芽，前丁後蔡相籠加。大小龍茶始於丁晉公成於君謨歐陽永叔間君謨進小龍團，驚歎曰：君謨士人也，何至作此事。爭新買，各出意。今年鬪品充官茶。今年閩中監司乞進鬪茶許之吾君所乏豈此物，致養口體何

注林劉本作

陋邪洛陽相君忠孝家，可憐亦進姚黃花。

洛下貢花自錢惟演始

寓居定惠院之東，雜花滿山，喜海棠一株，主人不知貴也。

江城地瘴蕃草木，只有名花苦幽獨。嫣然一笑竹籬間，桃李漫山總麤俗。也知造物有深意，故遣佳人在空谷。自然富貴出天姿，不待金盤薦華屋。朱唇得酒暈生臉，翠袖卷紗紅吹肉。林深霧暗曉光遲，日暖風輕春睡足。雨中有淚亦悽慘，月下無人更清淑。先生食飽無一事，散步逍遙自捫腹。不問人家與僧舍，拄杖敲門看修竹。忽逢絕豔照衰朽，歎息無言揩病目。陋邦何處得此花，

慘詩人王肩宋詩與唐宋詩辭並作

東坡詩集
無乃好事移西蜀寸根千里不易到銜子飛來定鴻鵠
天涯流落俱可念為飲一尊歌此曲明朝酒醒還獨來
雪落紛紛那忍觸

和秦太虛梅花

西湖處士骨應槁只有此詩君壓倒東坡先生心已灰
為愛君詩被花惱多情立馬待黃昏殘雪消遲月出早
江頭千樹春欲暗竹外一枝斜更好孤山山下醉眠處
點綴裙腰紛不掃萬里春隨逐客來十年花送佳人老
去年花開我已病今年對花還草草不知風雨卷春歸
收拾餘香還畀昊

惜花 并引

錢塘吉祥寺花為第一壬子清明賞會最盛金盤
綵籃以獻於座者五十三人夜歸沙河塘上觀者
如山爾後無復繼也今年諸家園圃花亦極盛而
龍興僧房一叢亦奇但衰病牢落自無以發興耳
昨日雨雹知花之存者有幾可為歎息也

吉祥寺中錦千堆前年賞花真盛哉道人勸我清明來
腰鼓百面如春雷打徹涼州花自開沙河塘上戴花回
醉倒不覺吳兒哈豈知如今雙鬢摧城西古寺沒蒿萊
有僧閉門手自栽千枝萬葉巧剪裁就中一叢何所似

戴宋詩鈔唐
宋詩醇並作
插

東坡詩集
瑪腦盤盛金縷杯而我食菜方清齋對花不飲花應猜
夜來雨雹如李梅紅殘綠暗吁可哀

蠟梅一首贈趙景貺

天公點酥作梅花此有蠟梅禪老家蜜蜂採花作黃蠟
取蠟為花亦其物天工變化誰得知我亦兒嬉作小詩
君不見萬松嶺上黃千葉玉蘂檀心兩奇絕醉中不覺
度千山夜聞梅香失醉眠歸來却夢尋花去夢裡花仙
覓奇句此間風物屬詩人我老不飲當付君君行適吳
我適越笑指西湖作衣鉢

贈寫真何充秀才

君不見潞州別駕眼如電潞州別駕唐明皇也左手挂弓橫撚箭
又不見雪中騎驢孟浩然皺眉吟詩肩聳山飢寒富貴
兩安在空有遺像留人間此身常擬同外物浮雲變化
無蹤跡問君何苦寫我真君言好之聊自適黃冠野服
山家容意欲置我山岩中勳名將相今何限徃寫褒公
與鄂公

章質夫寄惠崔徽真

崔徽河中娼婦也裴敬中以
與元幕使河中與徽相從者
累月敬中使罷還徽不能從情懷怨抑後數月東
川幕白知退將自河中歸徽乃托人寫真因捧書
謂知退曰為妾謂敬中崔徽一旦不及卷
中人徽且為卿死矣元稹為作崔徽歌

玉釵半脫雲垂耳亭亭芙蓉在秋水當時薄命一酸辛

千古華堂奉君子，水邊何處無麗人。近前試看丞相噀，
不如丹青不解語。世間言語元非真，知君被惱更愁絕。
卷贈老夫驚老拙，為君援筆賦梅花。未害廣平心似鐵。

李思訓畫長江絕島圖

山蒼蒼，江茫茫。小孤大孤，江中央。崖崩路絕，猿鳥去。惟
有喬木攙天長。客舟何處來，棹歌中流時。抑揚沙平風
軟望不到，孤山久與船低昂。峩峩兩烟鬟，曉鏡開新粧。
舟中賈客莫漫狂，小孤前年嫁彭郎。江南有小孤山在
水中，巖然獨立而
世轉孤為姑，江側有一石磯，謂之澎浪磯，遂轉為彭郎磯，云彭郎小姑婿也。

郭祥正家醉畫竹石壁上，郭作詩為謝，且遺古銅

枯唐宋詩醇
作空寫作吐

劍一

枯腸得酒，芒角出肝肺。槎牙生竹石，森然欲作不可回。
寫向君家雪色壁，平生好詩仍好畫。書牆浣壁長遭罵，
不瞋不罵喜有餘。世間誰復如君者，一雙銅劍秋水光。
兩首新詩爭劍鋒，劍在牀頭詩在手。不知誰作蛟龍吼，

號國夫人夜游圖

佳人自整玉花驄，翩如驚燕踏飛龍。金鞭爭道寶釵落，
何人先入明光宮。宮中羯鼓催花柳，玉奴絃索花奴手。
坐中八姨真貴人，走馬來看不動塵。明眸皓齒誰復見，
只有丹青餘淚痕。人間俯仰成今古，吳公臺下雷塘路。

當時亦笑張麗華，不知門外韓擒虎。在場帝初葬吳公臺下唐平江南改葬
雷塘按大業拾遺載帝昏酒滋深嘗行吳公臺下恍惚與陳後主遇後主云每憶張麗華方憑臨春閣作壁月詞未終見韓擒虎躍領萬騎直來衝入便至今日始謂殿下政治在堯舜之上今日還此逸遊曩時何見罪之深也帝叱之不復有所觀

趙令晏崔白大圖幅徑三丈

崔白字子西濠梁人

扶桑大覆如壘盎，天女織綃雲漢上。往來不遣鳳銜梭，誰能鼓臂掃三丈。人間刀尺不敢裁，丹青付與濠梁崔。風蒲半折寒鴈起，竹間的皪橫江梅。畫堂粉壁翻雲幕，十里江天無處着好臥。元龍百尺樓，笑看江水拍天流。

郭熙畫秋山平遠

潞公為跋尾

掃工本劉本陳本漁隱畫話唐宋詩聲並作投

玉堂畫掩春日閒，中有郭熙畫春山。鳴鳩乳燕初睡起，白波青嶂非人間。離離短幅開平遠，漠漠疎林寄秋晚。却似江南送客時，中流回頭望雲巘。伊川佚老鬢如霜，臥看秋山思洛陽。為君紙尾作行草，爛如嵩洛浮秋光。我從公遊如一日，不覺青山映黃髮。為畫龍門八節灘，待向伊川弄泉石。

次韻黃魯直畫馬試院中作

少年鞍馬勤遠行，臥聞鼙鼓風雨聲。見此忽思短策橫，十年髀肉磨欲透。那更陪君作詩瘦，不如芋魁歸飯豆。門前欲嘶御史驄，詔恩三日休老翁。羨君懷中雙橘紅。

七言古

黃有老母

書王定國所藏烟江疊嶂圖王晉卿畫

江上愁心千疊山，浮空積翠如雲烟。
 烟空雲散山依然，但見兩崖蒼蒼暗。
 絕谷中有百道飛來泉，繁林絡石隱復見。
 下赴谷口為奔川，川平山開林麓斷。
 小橋野店依山前，行人稍度喬木外。
 漁舟一葉江吞天，使君何從得此本。
 點綴毫末分清妍，不知人間何處有。
 此境徑欲往置一頃田，君不見武昌樊口幽絕處。
 東坡先生留五年，春風搖江天漠漠暮雲捲。
 雨山涓涓丹楓翻鴉伴，水宿長松落雪驚。
 醉眠桃花流水在人世

涓涓劉本作娟娟

千劉本作三

武陵豈必皆神仙，江山清空我塵土。
 雖有去路尋無緣，還君此畫三嘆息。
 山中故人應有招，我歸來篇

書丹元子所示李太白真

天人幾何同一漚，謫仙非謫乃其游。
 麾斥八極隘九州，化為兩鳥鳴相酬。
 一鳴一止三千秋，開元有道為少留。
 縻之不可矧，肯求西望太白橫峨岷。
 眼高四海空無人，大兒汾陽中令君。
 小兒天台賀季真，生平不識高將軍。
 手污吾足乃敢嗅，作詩一笑君應聞。

畫魚歌

天寒水落魚在泥，短鉤畫冰如耕犁。
 渚蒲拔折藻荇亂

少春渚紀聞
 作可西冷齋
 夜話作東齋
 季真冷齋夜
 話誠齋詩話
 唐宋詩醇並
 作坐忘身一
 笑冷齋夜語
 作大笑

此意豈復遺サレ鯢イサ鯢イサ偶然トシ信手皆虛擊ト本不辭勞セ幾萬カ一ツ
一魚中レ刃ニ百魚驚キ蝦蟹奔忙シ誤跳擲ス漁人養魚如養雛ニ
插竿貫笠驚ラ鵜カス鵝フ豈知ラ白挺ノ開ク如雨攪シ水覓魚ム嗟シ已ニ錄ス

書林逋詩後

吳儂生長湖山曲呼吸湖光飲山綠不論世外隱君子
傭奴販婦皆冰玉先生可是絕俗人神清骨冷無由俗
我不識君曾夢見瞳子瞭然光可燭遺篇妙字處處有
步遶西湖看不足詩如東野不言寒書似西臺差少肉
平生高節已難繼將死微言猶可錄自言不作封禪書
更肯悲吟白頭曲逋臨終詩茂陵異日求遺草猶喜初無封禪書我笑吳人不

好事好作祠堂傍修竹不然配食水仙王杭州西湖有水仙王祠
一盞寒泉薦秋菊

石蒼舒醉墨堂

人生識字憂患始姓名粗記可以休何用草書誇神速
開卷儻怳令人愁我嘗好之每自笑君有此病何能瘳
自言其中有至樂適意無異逍遙遊近者作堂名醉墨
如飲美酒銷百憂乃知柳子語不妄病嗜土炭如珍羞
君於此藝亦云至堆牆敗筆如山丘興來一揮百紙盡
駿馬倏忽踏九州我書意造本無法點畫信手煩推求
胡為議論獨見假隻字片紙皆藏收不減鍾張君自足

能劉本作年

下方羅趙我亦優羅叔景趙元嗣與張伯英並時見稱於西州不須臨池更

苦學完取絹系文衾裯

張競辰永康所居萬卷堂

君家四壁如相如卷藏天祿吞石渠豈惟鄴侯三萬軸
家有世南行秘書兒童拍手笑何事笑人空腹談經義
未許中郎得異書且與楊雄說奇字清江縈山碧玉環
下有老龍千古間知君好事家有酒化為老人夜扣關
留侯之孫書滿腹玉函寶方何用讀濠梁空復五車多
圯上從來一編足

孫莘老求墨妙亭詩

先生墨妙亭記云熙寧四年十二月高郵縣孫莘老自廣

